



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

XXXIV [i. e. XXXV]. De his qui ad Ecclesiam confugiunt.

urn:nbn:de:hbz:466:1-20006

autem expressè à Diacono ne Abbatem occiderent vel aliquid ei facerent unde ordinis sui discrimen incurrerent & animæ detrimentum, in eum nihilominus irruerunt, & plagiis impositis abierunt semivivo relicto, unde post dies aliquot spiritum exhalavit. Ab illo autem tempore usque hodie prædictus Diaconus de eo quod contigerat tristis effectus, ab administratione cessavit, & nondum expleto biennio habitum induit monachalem. Vnde à nobis petit suppliciter edoceri utrum posset in officio Diaconi ministrare, & si hoc ei liceret, an posset ad majorem promoveri. Licet autem, si præmissa veritas suffragatur, præfatus Diaconus super Abbatis interitu non videatur fuisse culpabilis, quia tamen bonarum mentium est culpam agnoscere ubi culpa non est, quod ab administratione officij se propria voluntate suspendit vel habitum regularem [induit] sibi non ad peccatum adscribimus, sed ad meritum reputamus. Quocirca fraternitati vestra per apostolica scripta mandamus quatenus, si præmissa noveritis veritatem subnixa, sapientium Diaconum non solum in diaconatus officio ministrare sed etiam ad ordinem presbyteratus ascendere, si aliud canonicum non obstat, liberam concedatis auctoritate apostolica facultatem; præsertim si super hoc non fuerit respersus infamia, cum ei non debeat imputari quod contra prohibitionem ejus expressam, eo causam vel occasionem non dante, ausu sacrilegio proponitur à consanguineis attentatum, divina scriptura testante quod anima qua peccaverit ipsa morietur, filius non portabit iniquitatem patris, neque pater iniquitatem filii, quamvis hoc ipsum verius ad æternam quam ad temporalem referatur vindictam.

Idem rectori, iudicibus, consulibus, & populo Beneventano.

Cum impunitas scelerum parere con-
suevit audaciam delinquendi, sic malefactorum excessus animadversione sunt debita puniendi ut & ipsi poenteant de commissis, & ceteri qui audierint, suam à consimilibus metu penæ retrahant voluntatem. Licet enim ex apostolica servitutis officio sollicitudo nobis imminet generalis, de illis tamen qui spiritualiter & temporaliter nostræ sunt jurisdictioni subiecti nos oportet sollicitius cogitare; quatenus sub nostro regimine boni digna recipiant præmia meritorum, & malos debitæ

Tom. I.

ultionis pena castiget. Audivimus equidem, & non potuimus non moveri, quod G. filius R. civis Beneventani diabolico inebratus veneno, Dei & nostro timore postposito, & honore civitatis Beneventanae abjecto, I. D. S. dum consulatus fungeretur officio interfecit, & pater ac frater interfectoris, qui tam atroci sceleri personaliter interfusile dicuntur, licet in praesentia vestra se nostro juraverint conspectui praesentare, ad nos tamen, sicut credimus, non venerunt, immo tam prædictus homicida quam ipsi in civitate Beneventana non metuunt, sicut audivimus, commorari. Volentes igitur ut malefactorem prædictum & fautores ipsius debita pena percellat, & civitas Beneventana similem in posterum valeat evitare jaetram, præsentium auctoritate statuimus ut memoratus homicida de cetero Beneventanam civitatem non audeat introire, nec hereditatis paternæ percipiat aliquam portionem, immo pars ejus, si patrem præmori forte contigerit, ad opus curiae referetur, nec unquam in eadem civitate prævaleat aliquod officium gerere dignitatis, nisi forte fuerit illi concessum ex indulgentia sedis apostolicae generali. Hoc etiam de futuris temporibus decrevimus observandum de illis qui judices, consules regales, vel alios ministeriales curiae vulnerare aut interficere qualibet temeritate præsumant. Patrem autem & fratrem homicidæ jambiæ tamdiu extra civitatem vestram præcipimus permanere donec ad præsentiam nostram accedant & ad vos cum literarum nostrarum testimonio revertantur.

TITULUS XXXV.

De his qui ad Ecclesiam confugiunt.

Idem Regi Corracie.

Intra alia quæ nobis regalis prudentia suis literis intimavit, quid de illis fieri debeat qui maleficia perpetrantes confungiunt ad Ecclesiæ, ut pro reverentia loci sacri debitas penæ valeant evitare, follicite requisivit. Nos ergo tuis inquisitionibus respondentes juxta sacrorum canonum instituta & traditiones legum civilium, ita duximus in hujusmodi distinguendum, quod confugiens ad Ecclesiæ vel liber vel servus existit. Si liber, quantumcumque gravia maleficia perpetrari, non est violenter ab Ecclesiæ extrahendus, nec inde donari debet ad mortem &

FFff ij

Lib. 5. capitu-
lar c. 155. &
Addit. III. c.
30.

poenam, sed rectores Ecclesiarum obtine-
re vitam & membra, super eo tamen quod
iniquè fecit est legitimè componendum.
Et hoc verum, nisi publicus latro fuerit vel
nocturnus populator agrorum, dum iti-
nera frequentata & in publica strata obsi-
det aggressionis insidiis, pro facinoris mag-
nitudine, cum & communem utilitatem
impedit & nocere omnibus molitur, ab
Ecclesia extrahi potest, impunitate non
præstata, secundum canonicas sanctiones.

Concil. Aure-
lian. I. c. 3.

Si vero servus fuerit qui confugit ad Ec-
clesiam, postquam de impunitate sua do-
minus ejus clericis juramentum præstite-
rit, ad servitium domini sui redire com-
pellitur & invitus, alioquin a domino po-
terit occupari. Tu ergo, fili carissime, cum
in regno tuo aliquid horum contigerit,
juxta præmissam distinctionem sic proce-
dere studeas quod honor Ecclesiarum &
emunitas servetur illæsa, & malignandi
facultas pravæ voluntatis hominibus au-
feratur.

TITULUS XXXVI.

Quod monasteria monachorum possint in
canonicos regulares converti.

Idem Colocensi Archiepiscopo.

Cum nobis, licet immeritis, in apo-
stolicae sedis specula consistentibus
sit universarum Ecclesiarum sollicitudo
commissa, de statu illarum sollicitudinem
nos convenit gerere diligentem & pro-
videre atentè ut per fratres & coëpiscopos
nostros, cum non possimus ubique
nostram presentiam corporaliter exhibe-
re, possint in melius reformari. Ex parte si-
quidem tua nostris est auribus intimatum
quod cum bona memoria An. anteces-
tor tuus monasterium sancti Stephani pro-
tomartyris situm in loco qui dicitur Keu
concessisset fratribus sancti Abraham de
valle Ebron, monachis nigri ordinis propo-
ter dissolutionem suam inde remotis, & il-
dem fratres sancti Abraham bona ejus di-
lapidando, & ducendo vitam nimiùm dis-
solutam, ipsum deduxissent ad nimiam
paupertatem, bona memoria C. Papa
prædecessor noster & nos etiam tibi dedi-
mus in mandatis ut restitutione ejusdem
monasterij provideres, tuo committentes
arbitrio utrum predicti fratres sancti
Abrahæ tolerandi, an monachi nigri es-
sent in ipso monasterio reducendi. Tu ve-
ro, sicut accepimus, fratres sancti Abra-

ham propter dissolutionem suam inde pe-
nitius abjecisti, & nos per petitionem tuam
duxisti super provisione ipsius monasterij
requiriendos. Ideoque mandamus quatenus
si per monachos Ecclesiam illam vide-
ris reformari non posse, in ipsa Ecclesia
Canonicos institutas regulares, qui secundum
regulam beati Augustini devoutum ibi
Domino famulatum impendant, & per
eorum religionem locus ipse in melius tuo
* faciente reformatur.

TITULUS XXXVII.

Si regulares ad seculares Ecclesias possint
in prælatos assumi.

Idem Vbaldo plebano sancti Gavini.

Quod Dei timorem præ oculis ha-
beas ex fructibus tuis colligitur evi-
denter, cum opera quæ facis testimonium
perhibeant veritati. Vnde tuum proposi-
tum in Domino commendamus. Sanè,
sicut jam dudum aribus nostris insonuit,
quondam desiderans ad frugem vitæ me-
lioris transire, officium plebani resignans,
coram fratribus sancti Victoris Bononiensis
promissionem de tua conversione feci-
sti, neque professionem solemnam emit-
tens, neque habitum religionis assumens.
Sed nobilis vir Comes Albertus & parro-
chiani plebis ejusdem attendentes te lau-
dabiliter præfuisse, ac de recessu tuo ei-
dem loco jacturam non modicam immine-
re, desiderium tuum haçtenus retardarunt,
à venerabili fratre nostro Florentino Epis-
copo impetrantes ut ministrares ibidem.
Hoc etiam dilectus filius noster P. basilicæ
duodecim apostolorum Presbyter Cardi-
nalialis, tunc apostolicae sedis Legatus, pen-
sata utilitate plebis proponitur annuisse.
quod jam dicti Comes & populus à nobis
ratum haberi suppliciter postularunt; præ-
sertim cum de licentia Prioris sancti Victo-
ris Bononiensis dinoscari haçtenus id fe-
cisse. Licet autem in Lateranensi Concilio
de monachis caveatur ne singuli per villas
& oppida seu per quascumque parochiales
ponantur Ecclesias, sed in majori con-
ventu aut cum aliquibus fratribus ma-
neant, ne soli inter seculares homines spi-
ritualium hostium conflictum expectent,
Salomone dicente *Væ soli*, quia si cederit,
non est qui sublevet eum, quia tamen iltud
de Canonicis regularibus specialiter non
cavetur, qui etsi à sanctorum monacho-
rum consortio non putentur sejuncti, re-

Cap. 5. de fla-
tu monach.